

Eschet Suster unde Broder einden andern/ dat he gelike mit em dele.

CAP. XVI.

S ^{§. 1.} Even alle Sistere unde Brödere / unde syn alle ere Deel Erves under en unaffgedelet: So mach eine den anderen (so he wil) bespreken / unde fördern / dat he gelike mit em deele / unde he weten möge / wor syn Deel lyke gudt em fallen möge / unde dat schölen 12. Sampt-Fründe dohn / mit erem Eede / dat se jdt nicht lyker delen können.

^{§. 2.} Zwischen Steff-Kinder överst (de **Særfuld** heten) so dar Kyff under entsteit: Den schölen de Sampt-Fründe scheden / unde uthleggen / wat Baderlike / unde wat Moderlike Erve / ock wat köffte Landt is / dat se willen.

^{§. 3.} Entstünde ock ein Twist / twischen den Kinderen / unde der Moder / welcher Baderlike / edder Moderlike Erve were? Dat schal de Frouwe mit erem Fründen bewehren / darümme: Dat den Kindern (so se der Moder Dodt affleve den) nicht darmit benamen syn kan.

^{§. 4.} Ingeliken is ock ein even Recht / wen de Bader mit sinen Kinderen twistig were / dat he mit sinen Fründen solckes ock bewehere.

Wen ein Erve dat ander windt.

CAP. XVII.

I ^{§. 1.} n Erve windt dat ander in aller Deele / so ferne dat eine Erve dem andern Erve entjegen kumpt. Jdt sy lüttick edder veele / up beiden syden. ^{§. 2.}